

## A2<sup>r</sup>

---

Den Ehrenvesten/ Hoch=  
achtbaren vnnnd Fůrnemmen Her=  
ren / Ambrolio Dieffenbach/ Johanni  
Rudolff Kleinen / vnd Thome Bůtscheln / Bur=  
gern in Reichenweiler / ꝛc. Meinen infon=  
ders Gůntigen Herren / Lieben  
vnd guten Freunden.  
EHrenveste/ Hochachtbare /  
vnd fůrneme Infonders Grořgůnti=  
ge Liebe Herren vnnnd Freund: Wiewol  
diese Materia fůr kein Hiftori oder Gefchicht /  
fonder viel mehr fůr ein Gedicht vnnnd Fabel  
gehalten wirdt / Jedoch so muř einer der folche  
mit fleiř gelesen/ bekennen das sie (aufferhalb  
dem zusatz) einer Hiftori viel ehnllicher/ dann  
einer Fabel. Dann sie sonderlich deř Poe=  
ten Ouidii schůnften Materien eine ift / die nit  
allein lieblich zu lesen / fonder auch wann  
mans betrachtet / etlicher maffen lehrhafft ift:  
Als das sich junge/ wilde vnnnd in vnordenlicher  
Lieb eroffne Leut darinnen erspieglen/ was sol=  
che Lieb fůr ein end vnnnd belohnung mit sich  
bringe/ namlich/ betrůbnuř der Eltern vnnnd  
Vorgefetzten/ Schaden vnd Nachtheil an jrem  
eygenen Leib / Leichtfertigkeit in worten vnd ge=  
A ij

## A2<sup>v</sup>

---

DEDICATIO.

berden/ vnd endtlichen beydes zeitlichen/ vnnd  
wo nicht Buß gefchicht/ewigen Todt.

Dieweil ich dann zu der zeit/ als ich noch zu  
Lohr in Breißgaw / im Organiften vnd Provi=  
forat dienft gewefen/ recreationis caufa, Ovidij  
Metamorphofin für mich genomen vnd durch=  
leben/ hat mich vor andern diefe materi/ De Py=  
rami & Thysbes amoribus, fo fehr (wegen der  
fchönen invention) bewegt/ das ich mir als bald  
fürgenommen / diefelbe in ein Tragœdiam zu=  
zwingen/ bevorab weil ich noch nie gehört vnnd  
gesehen/ das fie Spiels weiß wer difcribirt vnnd  
befchrieben worden.

Vnangefehen aber ich fie in Anno 1601.

aufflegen vnnd trucken laffen / Jedoch weil die  
Exemplaria ftarck abgangen vnd gleichfam ver=  
fchwunden / Auch daher etliche zum offterma=  
len an mich gefetzt/ diefelbige wider auffs new  
auffzulegen: Vorab weil fie Anno 1604. den  
19. Augufti von einer Ehrfamen Burgerfchafft  
zu Mûnfter in S. Gregorii Thal öffentlich a=  
giert vnd gefpielt worden: Alfo hab ich nit vn=  
derlaffen wõllen / diefelbe auffs new zu vberfe=  
hen/ vnd nachgehends auffzulegen: Jedoch mit  
difem beding/ das ich / weil fie etwas Weltlich  
(vnd es jetzmalen meines beruffs nit mehr ift/  
mit folchen exercitijs vmb zugehn) Niemand er  
fey Jung oder Alt / hierdurch will geãrgert ha=  
ben.

Dieweil dann großgünftige Herren/ liebe  
vnd gute Freund mir wol zu wiffen / das jhr fon=  
derli=

## A3<sup>r</sup>

---

DEDICATIO.

derliche Liebhaber der Tragœdien seit/ den selben nit allein mit zuschawen gern beywohnet/ sondern auch leset / So will ich sie als ein geringes vñ schlechtes Werck euch hiemit samptlichen dediciert vnd verehrt haben: Mit dienstlichem bitten / Jhr wöllet dieselbe von mir großgünstig annehmen/ vnd wider die Momos vnd Zoilos helffen defendiren vnnd verthådigen. Hie mit die Herren samptlich in den schutz vnd schirm deß Allmächtigen befehlend. Geben zu Múnster inn S. Gregorij Thal den letften Septembris Anno 1609.

Der Herren

Dienstwilliger

Samuel Jfrael.

A iij

## A3<sup>v</sup>

---

An den Lefer.

DEr verftändige Lefer wird dē  
zufatz/ Als/ was die Warfa=  
ger / Jäger / Soldaten vnnd  
anders mehr anlangt / nit vbel auß=  
legen / fonder fich felbs wiffen be=  
fcheids zuerholen/ was zu befchrei=  
bung folcher fachē / vmb beffers ver=  
ftands vnd anfehens willen / requi=  
riert vnd erfordert werde. Leb wol  
vnd erluftig dich mit.

Author

## A4<sup>r</sup>

---

Ad Momos.  
MOMI vñ Schnarcher auch mit hauffen  
Werde bald diefem Spiel zulauffen/  
Sonderlich kenne ich ſchon drey  
Die werden ohne allen ſchew /  
Verlachen diefes mein Gedicht  
Fürwar ſie könnens ſelber nicht/  
Doch wann ſie beffers können machen/  
Laß ich mich billich hie verlachen/  
Derhalb gib ich jhn diefen raht  
Das ſie an einem Abend ſpat/  
Wann d Fledermeuß ſeind auffgeftigen  
Mit jhnen luftig vmbher fliegen/  
So will ich nur mein Haupt bedecken  
Das mich ihr gifft nicht mög beflecken/  
Bißweylen lan ſie einen ſchrey  
Tragen ab jederman ein ſchew/  
Derhalben wer andre veracht  
Vnd jederzeit nach ſchaden tracht/  
Der ift ſelber verachtens werth  
Solchs hat mich das ſprichwort gelehrt.  
Doch gfalt mir wann ſie es verdreußt  
Dann einr ihm ſelbs ein boffen reißt/  
Vnd will michs gar nicht jrren lahn  
Was die Schnarcher fangen an.

A iij

## F5<sup>r</sup>

---

Befchluß.

DJe Action ift nun vollendt  
Diß trawrig Werck das hat ein end.  
Darbey fo habt jhr all gefehn  
Was auß der Liebe thut entftehn.  
Wiewol diefe Tragedia/  
Soll fein kein gwiß Hiftoria/  
Jedoch fo kan man nemmen ab  
Das fie auch etlich Lehren hab.  
Erflich man hierinn fehen thut  
Wie Pyramus vnd Thysbe gut/  
Gegen einander wunderlich  
Jn Lieb entzündt waren heimlich /  
Ohn wiffen jhrer Eltern beyd  
Stifften fie an ein groffes Leyd.  
Solches gefchicht noch heut zu tag  
Vnd ift gar ein gemeine klag/  
Das viel jrem gutduncken nach  
Anfahen folche fchwere fach/  
Verfprechen fich auß frechem muht  
Ehelich / thut aber felten gut/  
Verachten jrer Eltern Raht  
Erfahrens hernach mit der That/  
Das fie / wann folchs gefchehen fchon  
Jhnen den größten fchaden gthon/  
Nichts defto wenig er wird bereit  
Den Eltern ein groß Hertzneyd  
Empfinden groß kummern darab  
Bringen fie vor der zeit ins Grab  
Dieses die Jugend merck in gemein  
Dann Gott wird ein mal Richter fein.

## F5<sup>v</sup>

---

Darnach ficht man die Thorheit groß  
Deß Königs vber alle moß /  
Das er / nach dem der Traum jhn krenckt  
Durch Menschen folchs erfahrn gedenckt:  
Befchickt die Warfager allfant  
So fich halten in manchem Land-  
Also find man der Christen viel  
Bey vns vnd auch an diefem ziel  
Die haben viel mehr zuuerficht  
Auff gottlofer Menschen bericht/  
Dann auff Gottes hülf vnd genad  
Die er doch weifet früh vnd ſpat  
Solche Leut bringen nichts daruon  
Dann nur endlich deß Teuffels lohn /  
Kommen in ein viel größern fehl  
Nemmen ſchaden an Leib vnd Seel  
Befchließlich fehen wir mit fleiß  
Auß diefer ſchönen Tageweiß /  
Wie folch vnordentliche Lieb/  
Hat für ein ſtarck mächtigen erieb/  
Wo ſie einnimpt ein iunges Hertz  
Mit bitter angft/ fehnenden ſchmert3/  
Darinn ſie also hefftig wüt  
Verkehrt Hertz/ Sinn Vernüfft/ Gemüht/  
Wird leichtfertig verſchlagen gant3  
Schlecht Seel / Leib/ Gut/ Ehr/ in die ſchant3  
Acht fürbaß weder Sitt noch Tugendt  
Es treff an Alter oder Jugendt/  
Wer ſich in folche Liebe beut  
Welche ift voll trübfeligkeit  
Diogenes nent ſie argwohning  
Lieb ſey ein füß vergiftet Honig/  
Petrar=

## F6<sup>r</sup>

---

Petrarcha thut die Liebe preifen  
Sondern nennt sie gulden Fußeyfen /  
Ein kurtzt frewd vnd langen schmert3  
Darmit gepeinigt wird das Hert3/  
Hiemit so woll gewarnet sein  
Sonderlich die Jugendt in gemein /  
Vnd spart die Lieb biß in die Ehe/  
Dann hab eins lieb vnd keins meh /  
Dieselb lieb ist mit Gott vnd Ehren  
Darzu wird Gott selbs glück bescheren  
Hiemit sagen wir euch danck  
Das jhr vns auffgehört so lang/  
Vnd bitten auch darneben euch  
Wo etwas nit zugangen gleich.  
So wolt jhr nemmen doch für gut  
Auß rechtem vnd freundlich ein muht /  
Gott wöll euch bhüten allefant  
Mit seiner allmächtigen Hand/  
Woll euch segnen Leib vnd Seel/  
Das wüfcht euch Samuel Jrael.

E N D E



## F6<sup>v</sup>

---

Ad Authorem.

WAnn einer in ein Gart ſpatziert  
Vnd ſicht manch Blümlin wol formiert  
So bricht er drunder ab gar bald  
Welchs jhm am aller beſten gfalt  
Die übrigen die lafter ſtehn  
Biß das die ſchönſten thun vergehn.  
Darnach ſo nimpt er weiter an  
Was er zuuor hat laffen ftahn.  
Alfo Herr Samuel jhr auch  
Fein oberuiert dieſen brauch  
Die ſchönſt Blum im Ouidio  
Gewiß jhr abgebrochen do/  
Welch vnder andern lieblich reucht  
Das hertz vnd gmüht gar an ſich zeucht  
Wanns recht verſtehen will die Jugend/  
Wird ſie gewieſen zu der Tugend  
Ob ſchon der Buchſtab eufferlich  
Viel anderlt laßt anſehen ſich  
Thut eins ſpatziert noch weiter hin  
Jn dieſe Metamorphofin  
Vnd brechet folcher Blümlein mehr /  
Wer klug iſt/ deutz euch für ein Ehr.  
Laßt euch die Arbeit nit verdrieffen  
Mit anmahnen thu ichs beſchlieffen.

Job Dauid Schneyder zu Mün=  
fter in S. Gregorij Thal.

## F7<sup>r</sup>

---

Gleich wie die Binen sich bemühen/  
Im Sommer wann die Rößlein blühen /  
All Blümlin schön herfür thun blicken  
Dauon dann sich auch thun erquicken  
Die Binen gut/ vnd sitzen drauff  
Gar dick vnd viel mit großem hauff  
Saugen drauß der Blumen krafft  
Machens zu einem süßen safft  
Welchen man dann zu nutz kan machen  
In der Artzney/ vnd sonft zu fachen:  
Eben also/ vnd gleicher gftalt  
Habt jhr Herr Samuel alsbaldt  
Auß dem Ouidio gezogen/  
Diß schön gedicht/ auch drauß gefogen  
Ein rechten süßen Honigseim  
Der wol wärth ist zu tragen heim/  
Dann wann diß Werck recht wurd betracht/  
So ifts zur guten Lehr gemacht/  
Der wilden Jugend/ die sich kan  
Darinn erpieglen/ vnd als dann  
Von der vnordenlichen Lieb  
Abftehn/ damit man nit betrüb  
Die Eltern fromb/ fonderen deft mehr  
Dieselbigen hinfüro ehr  
Sonften thu ich mich wol befinden/  
Das gleicher gftalten auch die Spinnen  
Auff

## F7<sup>v</sup>

---

Auff folche schöne Blümlein kriechen  
(Die nichts deftminder lieblich riechen)  
Saugen drauß jhr Venen vnd Gifft  
Damit man dann viel böses ftiftt.  
Also thut man dern Leut auch finden/  
Die nichts dann d Leuth außrichten künden.  
Veracht manch er eim fein gedicht  
Da ers doch felbft könt machen nicht  
Wolan / laft euch folchs nit betrüben  
Sondern thut euch noch ferner üben /  
In dergleichen schönen Gedichten  
Darmit werd jhr viel guts außrichten  
Auch bey den verftendigen Leuten  
Wird mans euch für ein Ehre deuten  
Drumb ich euch hie ermahn zum bſchluß  
Bitten darab han kein verdruß.

Johannes Ochs von  
Colmar.